

三台 下 背 誦 論 語 學 而 篇

學 而 第 一 一 共 十 六 章

- 11 子曰：「學而時習之，不亦說乎？有朋友自遠方來，不亦樂乎？人不知而不愠，不亦君子乎？」
- 12 有子曰：「其為人也孝弟，而好犯上者鮮矣！不好犯上，而好作亂者，未之有也！君子務本，本立而道生；孝弟也者，其為仁之本與？」
- 13 子曰：「巧言令色，鮮矣仁。」
- 14 曾子曰：「吾日三省吾身：為人謀，而不忠乎？與朋友交，而不信乎？傳，不習乎？」
- 15 子曰：「道千乘之國，敬事而信，節用而愛人，使民以時。」
- 16 子曰：「弟子入則孝，出則弟，謹而信，汎愛眾；而親仁。行有餘力，則以學文。」

1-7 子夏曰：「賢賢易色，事父母能竭其力，事君能致其身，與朋友交，言而有信，雖曰未學，吾必謂之學矣。」

1-8 子曰：「君子不重則不威，學則不固。主忠信，無友不如己者，過則勿憚改。」

1-9 曾子曰：「慎終追遠，民德歸厚矣。」

1-10 子禽問於子貢曰：「夫君子至於此邦也，必聞其政，求之與？抑與之與？」子貢曰：「夫君子溫、良、恭、儉、讓以得之。夫君子之求之也，其諸異乎人之求之與！」

1-11 子曰：「父在觀其志，父沒觀其行。三年無改於父之道，可謂孝矣。」

1-12 有子曰：「禮之用，和為貴；先王之道，斯為美，小大由之。有所不行，知和而和，不以禮節之，亦不可行也。」

1-13 有子曰：「信近於義，言可復也；恭近於禮，遠恥辱也。因不失其親，亦可宗也。」

1-14 子曰：「君_子食_無求_飽，居_無求_安，敏_於事_而慎_於言_，就_有道_而正_焉：可_謂好_學也_已。」

1-15 子貢曰：「貧_而無_諂，富_而無_驕，何_如？」
子曰：「可_也。未_若貧_而樂_，富_而好_禮者_也。」

子貢曰：「詩云：『如_切如_磋，如_琢如_磨。』其_斯之_謂與_？」子曰：「賜也_，始_可與_言詩已_矣！告_諸往_而知_來者_也。」

1-16 子曰：「不_患人_之不_己知_，患_不知_人也_。」